

gu Marah, cha b' urradh iad uisgeacha Mharaih òl, oir bha iad fearbh; uime sin thugadh Marah mar ainm air.

24 Agus rinn an sluagh gearan<sup>a</sup> 'an aghaidh Mhaois, ag ràdh, Ciod a dh'òlas sinn?

25 Agus dh'éigh efan ris an Tighearna, agus nochd an Tighearna fiodh<sup>b</sup> dha, agus thilg e 'sna h-uisgeachaibh e, agus rinneadh na h-uisgeacha milis: ann an sin rinn e lagh agus ordugh dhoibh, agus ann an sin dhearbhadh e iad;

26 Agus thubhairt e, Ma dh'éisdeas tu gu dùrachdach re guth an Tighearna do Dhé, agus ma ni thu an ni sin a ta ceart 'na shealladh, agus ma bheir thu 'n aire d'a àitheantaibh, agus ma ghleidheas tu a reachdan<sup>c</sup> uile, a h-aon do na h-eucailibh<sup>d</sup> a chuir mi air na h-Eiphitich, cha chuir mi ortsa; oir is mise an Tighearna a shlànuicheas thu.

27 Agus thàinig iad gu h-Elam far an robh dà thobar dheug uisge, agus deich agus tri fichead crann<sup>e</sup> pailme; agus champaich iad<sup>f</sup> 'an sin làimh ris na h-uisgeachaibh.

## C A I B. XVI.

**A** GUS dh'fhalbh iad o Elim, agus thàinig coi'-thional chloinn Israeil uile gu fàsach Shim, a ta eadar Elim agus Sinaì, air a' chùigeadh là deug do'n dara mìos 'an déigh dhoibh teachd a mach a tìr na h-Eiphit.

2 Agus rinn coi'-thional chloinn Israeil uile gearan 'an

aghaidh Mhaois agus Aaroin, 'san fhàsach.

3 Agus thubhairt clann Israeil riu, B'fhearr gu 'm faigh-eamaid bàs le làimh an Tighearna ann an tìr na h-Eiphit, an uair a bha sinn 'nar fuidhe làimh ris na poitibh feòla, agus an uair a dh'ith sinn aran gu'r fath; oir thug sibh a mach sinn do'n fhàsach so, a mharbhadh a' choi'-thionail fo uile le h-ocras.

4 'An sin thubhairt an Tighearna re Maois, Feuch, frasaiddh mise dhuibh aran o nèamh, agus théid an sluagh a mach, agus cruinnichidh iad cuibhrionn gach là air an là sin féin, a chum as gu'n dearbh mi iad, co ac' a ghluaiseas iad ann am<sup>g</sup> lagh, no nach gluais.

5 Agus air an t-seathadh là ulluichidh iad an ni sin a bheir iad a steach, agus bithidh e dhà uibhir agus a chruinnicheas iad gach là eile.

6 Agus thubhairt Maois agus Aaron re cloinn Israeil uile, Mu fheasgar, 'an sin bithidh fios agaibh gu'n d' thug an Tighearna a mach sibh a tìr na h-Eiphit:

7 Agus 'fa' mhadainn, 'an sin chi sibh glòir an Tighearna; do bhrì' gu bheil e a' cluinntin bhur gearain 'an aghaidh an Tighearna: Agus ciod sinne, gu bheil sibh a' deanamh gearain 'nar n-aghaidh?

8 Agus thubhairt Maois, Bithidh a' chùis mar so 'nuair a bheir an Tighearna dhuibh 'san fheasgar feoil r'a h-itheadh, agus aran 'fa' mhadainn gu'r fath; do bhrì' gu bheil an Tighearna a' cluinntinn

<sup>a</sup> monmhor, duarman.

<sup>b</sup> craobh.

<sup>c</sup> ordughcan, àitheantan.

<sup>d</sup> eucailibh.

<sup>e</sup> craobh.

<sup>f</sup> shuidhich iad am pubuill, thàmh iad.

<sup>g</sup> ann mo.